



## TEMACHTILTEQUITL HUAN MACEHUALNECHICOLIZTL SAN MIGUEL XALTIPAN, TLAXCALA, 19-29 AGOSTO 2017

Tonal 19-29 agosto, 2017, mochihuaz hueyi temachtiltequitl ipan altepetl San Miguel Xaltipan, Tlaxcala. Quiyecanazqueh ninqueh huehhueyimeh temachtilcalmeh: Varsovia (Polonia), Londres (Inglaterra) huan Leiden (Holanda), campa timocentlalizqueh huan ticnehnehuilizqueh quenin ticcolitizqueh in tomacehualtlahtolhuan huan tomacehualixtlamachiliz ompa toaltepetzitzin. Nohuihqui tipaxalotihueh occequih altepetzitzin tlen Tlaxcala huan Puebla. Tiyazqueh San Francisco Tetlanohcan huan San Miguel Tenango. Ipan temachtiliztequitl timonohnotzazqueh ica nahuatl ihuan castiyah.

Nohuihqui tonal 25-26 agosto timonechicozqueh macehualmeh aquiheh chantih occequih altepeme tlen Mexihco huan tictenquixtizqueh in tlen tehuan ticchihuah, quenin tichuicah in toixtlamachiliz. Ipan tenechicoliztl, titlahtozqueh nahuatl.

Temachtihqueh tlen techittaquiuhueh:

- Macehualmeh ixtlamatqueh aquiheh chantih San Miguel Xaltipan, San Francisco Tetlanohcan, huan San Miguel Tenango
- Natalio Hernández (xochitlahcuilohe, macehualtlahtolyolitihe)
- Werner Hernandez (siquiatra huan temachtihc tlen pipil/ nawat ipan El Salvador)
- Adam Coon (ixtlamachiliztemachtihc huan xochitlahtoltemachtihc ipan hueyi temachtilcal Morris, Minnesota.
- Tomasz Wicherkiewicz (tlamatc tlen Polonia; yeh quimati itechpa tlahtolmeh tlen ye polihui ipan Europa huan tlahtolalanahuatl)

Tlapalehuil:

Cehcen macehualli tlen calaquiz ipan ninqueh temachtiltequitl huan tenechicoliztl, ticmacazqueh:

1. (Intla quiipya ichan San Miguel Xaltipan) tlacualtzintli.
2. (Intlan chanti huehca) tlacualtzintli, canin cochiz, huan ticcuepilizqueh in tomin tlen oquitlaxtlauh ipan tepozmimilol (amo panoz MN\$2000: monequiz boleto ahnozo factura).

Macehualli tlen zan calaquiz ipan tenechicoliztl, ticmacazqueh:

1. (Intla quiipya ichan San Miguel Xaltipan) tlacualtzintli.
2. (Intla techpaxaloe huehca) tlacualtzintli huan canin cochiz.

Intla timacehual huan ticnequi ticalaquiz ipan ninqueh temachtiltequitl huan tenechicoliztl ahnozo zan ticnequi ticalaquiz ipan tenechicoliztl, xitechtitlanili amatl tlahcuilol ica nahuatl ipan [idiez@me.com](mailto:idiez@me.com) campa tiquihtoz:

1. Aquin teh, mocooreo, itlapohual mocelular, canin otimotlacatilih, canin tichanti, tlen ticchihua (cox titequiti, cox timomachtia, tlenzazo occe ticnequi tiquihtoz).
2. Xiquihtoz ipan tlen tequichihualiztl ticnequi ticalaquiz, cox ipan temachtiliztequitl (19-29 agosto) ahnozo tenechicoliztl (25-26 agosto). Nohuihqui tihueliti ticalaquiz ipan ome tequichihualmeh.
3. Xiquihtoz tlica ticnequi titequitz ipan temachtiliztequitl ahnozo ipan tenechicoliztl ahnozo ipan ome tlahchihualmeh.
4. Intla titequichihua ipan tenechicoliztl huan ticnequi tictenquixtiz ica nahuatl ce motequih tlen ticchihua ica motlahtol, xitechtitlanili ce cocotetzin tlahcuilol campa tiquihtoz tlen itechpa titlapohuaz; nohuihqui tictenquixtiz cox ticnequiz internet, proyector, tlen zazo.
5. Xiquixnehnehuili ipatihu in tepozmimilol ipan tihuitz huan tihualmocuapaz.

**Xiquitta:** Ipan 30 junio monequi titechtitlaniliz moamah canin tiquihtoz aquin teh. Ipan 9 junio tictenquixtizqueh aquin tequichihua.

**Engaged humanities in Europe: Capacity building for participatory research in linguistic-cultural heritage**  
**Humanistyka Zaangażowana w Europie: budowanie potencjału dla partycypacyjnych badań dziedzictwa językowo-kulturowego**



This project has received funding from the European Union's Horizon 2020 research and innovation programme under grant agreement No 692199.